



REPUBLIKA E SHQIPËRISË
PROKURORIA E PËRGJITHSHME

**SHPLLJE PËR LËVIZJE PARALELE
DHE PËR PRANIMIN NË SHËRBIMIN CIVIL
NË KATEGORINË EKZEKUTIVE (Specialist)**

Njoftim për vënd pune të lirë në administratë në pozicionin “specialist jurist”, në Sektorin e Koordinimit dhe Studimeve pranë Prokurorisë së Përgjithshme.

Në mbështetje të Ligjit nr.152/2013 “Për Nëpunësin Civil”, i ndryshuar, Kreut IV, “Pranimi në shërbimin civil”, neni 23, Vendimit të Këshillit të Ministrave nr.243, datë 18.03.2015 “Për pranimin, lëvizjen paralele, periudhën e provës dhe emërimin në kategorinë ekzekutive”, Prokuroria e Përgjithshme, shpall konkurrimin për nëpunës civil të kategorisë ekzekutive III-b, pika 2, klasa B, për vëndin e punës në pozicionin “**specialist – juristë**”. Proçedura e rekrutimit, përzgjedhjes dhe periudha e provës do të realizohet:

Pozicionet më sipër, u ofrohen fillimisht nëpunësve civilë të së njëjtës kategori për procedurën e lëvizjes paralele!

Kandidatët duhet të plotësojnë kushtet për lëvizjen paralele si vijon:

- a- Të jetë nëpunës civil i konfirmuar, brenda së njëjtës kategori;
- b- Të mos ketë masë disiplinore në fuqi;
- c- Të ketë të paktën vlerësimin e fundit “mirë” apo “shumë mirë”;

Vetëm në rast se nga ky pozicion, në përfundim të procedurës së lëvizjes paralele, rezulton se ende ka pozicion vakant, ai është i vlefshme për konkurimin nëpërmjet procedurës së pranimin në shërbimin civil për kategorinë ekzekutive.

Data e dorëzimit të dokumentave 01.07.2022

****Afati i aplikimit dhe dorëzimit të dokumentacionit është i njëjtë për të dyja procedurat.***

A) Konkurrimi për vëndin e punës në pozicionin “specialist-juristi”, në Sektorin e Koordinimit dhe Studimeve pranë Prokurorisë së Përgjithshme Tiranë, do të bazohet në:

- Njohuritë për Kushtetutën e Republikës së Shqipërisë;
- Ligjin nr.97/2016, “Per organizimin e funksionimin e Prokurorisë së Përgjithshme;
- Ligjin 96/2016”Per statusin e magistratit”
- Ligjin nr. 98/2016 Për Organizimin e Pushtetit Gjyqësor në Republikën e Shqipërisë
- Kodin e Proçedurave Administrative;
- Kodin i Proçedurës Penale.
- Praktika të Gjykatës Lartë dhe Kushtetuese.
- Rregulloren e Brendshme te Prokurorisë së Përgjithshme;

B) Konkurrimi do të zhvillohet në dy faza:

I. Faza e parë:

- Verifikimi paraprak i kandidatëve për plotësimin e kërkesave të përgjithshme dhe atyre të veçanta të përcaktuara në shpalljen për konkurim.
- Sektori i Burimeve Njerëzore në bazë të dokumentacionit të paraqitur, jo më vonë se 5 (pesë) ditë pune nga data e mbylljes së pranimi të tyre, do të bëjë verifikimin paraprak të kandidatëve, që përmbushin kërkesat e përgjithshme dhe të veçanta, të përcaktuara në shpalljen për konkurim
- Kandidatët që plotësojnë kërkesat e përgjithshme dhe të veçanta të pozicionit të punës, renditen në një listë sipas rendit alfabetik e cila administrohet në S.B.Nj dhe do të shpallet në faqen zyrtare të internetit PP dhe në hyrjen kryesore të Prokurorisë së Përgjithshme.
- Kandidatët, që nuk plotësojnë kërkesat e përcaktuara në shpalljen për konkurim, renditen në një listë të veçantë në të cilën regjistrohen edhe arsyet e mosplotësimit të këtyre kërkesave. Kjo listë nuk publikohet dhe administrohet në S.B.Nj e cila njofton në mënyrë individuale kandidatët që nuk janë kualifikuar.
- Çdo kandidat ka të drejtë të paraqesë ankesë pranë S.B.Nj, brenda 5 (pesë) ditëve kalanderike nga data e shpalljes së listës. Ankuesi merr përgjigje brenda 5 (pesë) ditëve kalanderike nga data e depozitimit të ankesës.

II. Faza e dytë përbëhet nga vlerësimi i kandidatëve që përfshin:

- Vlerësimin e jetëshkrimit të kandidatëve, që konsiston në vlerësimin e arsimit, të eksperiencës e të trajnimeve, të lidhura me fushën, si dhe vlerësimet e arritjeve vjetore
- Vlerësimi me shkrim.
- Intervista e strukturuar me gojë.

C) Pranimi do të bëhet për 1 (një) vend pune në pozicionin “specialist- jurist”.

Ç) Për pranimin në shërbimin civil, kandidati duhet të plotësojë *kërkesat e përgjithshme* sipas nenit 21, të ligjit nr.152/2013, “Për nëpunësin civil”, i ndryshuar, si më poshtë:

- Të jetë shtetas shqiptar.
- Të ketë zotësi të plotë për të vepruar.
- Të zotërojë gjuhën shqipe, të shkruar dhe të folur.
- Të jetë në kushte shëndetësore që e lejojnë të kryejë detyrën përkatëse.
- Të mos jetë i dënuar me vendim të formës së prerë për kryerjen e një krimi apo për kryerjen e një kundërvajtjeje penale me dashje.
- Ndaj tij të mos jetë marrë masa disiplinore e largimit nga shërbimi civil, që nuk është shuar sipas këtij ligji.

D) Kërkesat e veçanta që janë prioritet në përzgjedhjen e kandidatëve:

- Të ketë përfunduar arsimin e lartë dhe të jetë diplomuar me diplomë të nivelit Master Shkencor për Juridik.
- Të ketë përvojë pune, jo më pak se 1 vit, prioritet përbën që përvoja punës të ketë lidhje me detyrat kryesore që do të kryeje në këtë pozicion pune.
- Të ketë njohuri shumë të mira në legjislacion shqiptarë,
- Zotërimi i një gjuhe të huaj të BE-së, prioritet gjuha angleze.
- Të ketë aftësi të mira komunikimi dhe të punës në grup.

DH) Pozicionin “specialist – jurist” në Sektorit të Koordinimit dhe Studimeve ka këto detyra dhe përgjegjësi kryesore, por jo vetëm:

1. ndihmon në kryerjen e :

-përgatitjes së projektakteve normative të Prokurorit të Përgjithshëm ose të përbashkëta me institucione të tjera, si: rregullore, urdhra, udhëzime të përgjithshme, marrëveshje/memorandume bashkëpunimi, për përmbushjen e detyrimeve ligjore ose të nevojave që dikton unifikimi i praktikës në ushtrimin e funksioneve të prokurorëve apo policisë gjyqësore ose të nevojave të bashkërendimit ndërinstitucional, pasi ka marrë më parë mendimin strukturave të tjera të Prokurorisë së Përgjithshme dhe pas pëlqimit/konfirmimit të Prokurorit të Përgjithshëm;

- në bashkërendim me strukturat e Prokurorisë së Përgjithshme dhe Kabinetin e Prokurorit të Përgjithshëm, përgatit pjesë të projektraporteve, projektinformacioneve periodike dhe/ose mendime për çështje ligjore ose të veprimtarisë së prokurorisë të kërkuara nga institucionet e tjera përfshirë ato lidhur me përmbushjen e angazhimeve në procesin të integritetit evropian;

- kryen studime e analiza për treguesit më sintetikë të punës së prokurorisë dhe të gjendjes, përhapjes dhe tendencave të kriminalitetit në shkallë vendi ose rrethi gjyqësor, si dhe për përvojën pozitive ose negative të praktikës së prokurorisë apo policisë gjyqësore, në bashkëpunim edhe me strukturat e tjera të Prokurorisë së Përgjithshme;

- pas analizës së treguesve të gjendjes, përhapjes, tendencave të kriminalitetit, të efektivitetit e ligjshmërisë në ndjekjen penale në hetim dhe gjykim, si dhe në ekzekutimin e vendimeve penale të formës së prerë, si dhe pas marrjes së rekomandimeve vjetore të Këshillit të Ministrave, përgatit projektudhëzimet e përgjithshme në bashkëpunim edhe me strukturat e tjera;

- propozon ndryshimet e nevojshme të akteve ligjore ose nënligjore, që lidhen me veprimtarinë e prokurorisë dhe përmirësimin e sistemit të drejtësisë penale, bazuar në kërkime, analiza dhe studime, pasi ka marrë edhe mendimin e drejtorive e sektorëve të tjerë në Prokurorinë e Përgjithshme;

- studion projektaktet ligjore e nënligjore, në fushën e sistemit të drejtësisë penale, që vijnë për mendim në Prokurorinë e Përgjithshme, nga ministritë dhe institucionet e tjera, duke parashtruar mendime/komente me sugjerime për ndryshime, shtesa apo redaktime dhe/ose vërejtjet përkatëse;

-ndjek në dinamikë praktikën gjyqësore penale të vendimeve njësuere, unifikuese të Kolegjeve të Bashkuara të Gjykatës së Lartë, të vendimeve të Gjykatës Kushtetuese në fushën penale, vendimeve të Gjykatës Evropiane për të Drejtat e Njeriut dhe përgatit përmbledhje informative për prokurorët;

-ndihmon në koordinimin dhe bashkëpunimin me strukturat e prokurorisë për çështjet e integritetit në BE;

- ndihmon në përgatitjen e informimeve periodike për progresin e prokurorisë në përmbushjen e angazhimeve në kuadrin e procesit të integritetit evropian;

- ndihmon shefin e sektorit në hartimin e kontributeve për Raportin e Progresit dhe raporte të tjera në lidhje me procesin në integrimin në BE;
- kryen funksione të tjera të caktuara me ligj, akt nënligjor, urdhër të Shefit të Sektorit, Drejtorit ose Prokurorit të Përgjithshëm;

G) Dokumentacioni, mënyra dhe afati i dorëzimit

Të gjithë kandidatët duhet të dorëzojnë dokumentacionin si më poshtë:

- a.- Jetëshkrimin;
 - b.- Fotokopje të diplomës;
 - c.- Fotokopje të librezës së punës (të gjitha faqet që vërtetojnë përvojën në punë);
 - ç.- Çdo dokumentacion që vërteton eksperiencën të tjera punësimi brenda ose jashtë vendit, të lëshuar nga punëdhënësi;
 - d.- Çdo dokumentacion tjetër që vërteton trajnimet, kualifikimet, arsimim shtesë, vlerësimet pozitive apo të tjera të përmendura në jetëshkrimin tuaj.
- Kandidatët nga jashtë shërbimit civil, përveç sa më sipër duhet të dorëzojnë dokumentacionin si vijon:
- a.- Fotokopje të letërnjoftimit (ID);
 - b.- Vërtetim të gjendjes shëndetësore;
 - c.- Vetëdeklarim të gjendjes gjyqësore;

Mënyra e dorëzimit me postë ose e drejtpërdrejtë në protokollin e institucionit me adresë: Prokuroria e Përgjithshme/Sektori i Burimeve Njerëzore (konkurrimi për vendin e punës në pozicionin “specialist –jurist në sektorin e studimeve”) me adresë: Rruga “Qemal Stafa, nr.1, Tiranë, email: info@pp.gov.al;

F) Mënyra e vlerësimit të kandidatëve:

- Vlerësimi i jetëshkrimit të kandidatëve, që konsiston në vlerësimin e arsimit, të eksperiencës e të trajnimeve, të lidhura me fushën, si dhe vlerësimet e arritjeve vjetore;
- Vlerësimi me shkrim;
- Intervista e strukturuar me gojë.
- Totali i pikëve të vlerësimit të kandidatëve është 100, të cilat ndahen përkatësisht:
- Për vlerësimin e jetëshkrimit (cv) të kandidatëve, që konsiston në vlerësimin e arsimit, të eksperiencës e të trajnimeve, të lidhura me fushën, si dhe vlerësimet e arritjeve vjetore, 15 pikë;
- Për vlerësimin me shkrim, 60 pikë.
- Për intervistën e strukturuar me gojë, 25 pikë;

I) Mënyra e njoftimit dhe komunikimit me kandidatët do të bëhet nëpërmjet adresave të emailit, me mesazhe në numrin e celularit të kandidatit, në faqen e internetit të Prokurorisë së Përgjithshme.

Për më shumë informacion për Prokurorinë e Përgjithshme dhe veprimtarinë e saj mund të vizitoni edhe faqen tonë në internet: www.pp.gov.al.

PROKURORIA E PËRGJITHSHME

TIRANË MË 03.06.2022